



**ZAPISNIK O RADU 34. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 04.01.2023. GODINE**

Broj: 01-GV-02-02/23

Sarajevo, 04.01.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Amra Zulfikarpašić, predsjedavajuća Kluba gradskih vijećnica „Enisa Spahić-Amra Zulfikarpašić“
10. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
11. Bajro Biber, predsjedavajući Kluba gradskih vijećnika „USD-BOSS“
12. Elvedin Korora, predsjedavajući Kluba gradskih vijećnika „Korora/Skorupan“

Odsutana: Mila Eminović (najavljeno odsustvo)

Sjednici je prisustvovala Benjamina Karić, gradonačelnica Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali: Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** Zapisnik o radu 33. sjednice Kolegija Gradskog vijeća, održane 27.12.2022. godine.



Član Kolegija Toni Vukadin je pristupio sjednici u 14.13 sati.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** dnevni red 34. sjednice Kolegija Gradskog vijeća, tako da glasi:

1. Predlaganje članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2022./2023. godinu
2. Priprema za održavanje 23. sjednice Gradskog vijeća Grada Sarajeva
3. Tekuća pitanja

Ad1)

Predlaganje članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2022./2023. godinu

U uvodnim napomenama **Jasmin Ademović, predsjedavajući Gradskog vijeća** je podsjetio članove Kolegija Gradskog vijeća da je Programom rada Gradskog vijeća Grada Sarajeva za 2023. godinu, a na osnovu Odluke o stipendiranju učenika srednjih škola iz Budžeta Grada Sarajeva, planirano da se na 23. (januarskoj) sjednici Gradskog vijeća razmatra Prijedlog Odluke o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2022./2023. godinu.

Također je podsjetio da Gradonačelnica donosi Rješenje o imenovanju zajedničke Komisije za razmatranje, obradu i analizu pristiglih prijava na Konkurs za dodjelu stipendija iz sredstava Budžeta Grada Sarajeva za tekuću školsku godinu, da tri člana Komisije čine predstavnici Gradske uprave Grada Sarajeva, a četiri člana predstavnici Gradskog vijeća Grada Sarajeva, te da Komisija za izbor i imenovanja utvrđuje Prijedlog Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2022./2023. godinu i upućuje ga Gradskom vijeću na razmatranje.

Istako je da je potrebno da Kolegij Gradskog vijeća uputi prijedlog četiri kandidata, predstavnika Gradskog vijeća Grada Sarajeva, Komisiji za izbor i imenovanja.

Podsjetio je da su Komisiju za školsku 2021./2022. godinu, iz reda gradskih vijećnika, činili **Mirela Džehverović, Enisa Spahić, Muamer Mekić i Seid Škaljić**, te je pohvalio njihov rad u Komisiji.

Jasmin Ademović, predsjedavajući Gradskog vijeća je upoznao članove Kolegija da su, u pripremi sjednice Kolegija, obavljene konsultacije sa određenim klubovima gradskih vijećnika iz kojih su proizašli prijedlozi za članove Komisije, i to: gradski vijećnik **Toni Vukadina, Mirela Džehverović, zamjenica predsjedavajućeg Gradskog vijeća i gradski vijećnik Srđan Srdić**.

Vedad Deljković je, za četvrtog predstavnika Gradskog vijeća Grada Sarajeva u Komisiji, predložio **Bajru Bibera**.

Poslije rasprave, **Jasmin Ademović, predsjedavajući Gradskog vijeća** je predložio da se članovi Kolegija, istovremeno, izjasne o svim predloženim kandidatima.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, bez rasprave, **jednoglasno je usvojio** sljedeći zaključak:

- 1. Kolegij Gradskog vijeća utvrđuje prijedlog za izbor kandidata za članove Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća za školsku 2022./2023. godinu iz reda gradskih vijećnika i to: Mirela Džehverović, Toni Vukadin, Srđan Srdić i Bajro Biber.**
- 2. Kolegij Gradskog vijeća utvrđeni prijedlog za izbor kandidata upućuje Komisiji za izbor i imenovanja Gradskog vijeća na dalje postupanje.**

Ad2)

Priprema za održavanje 23. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći zaključak:

- 23. sjednica Gradskog vijeća će se održati u **srijedu 25.01.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **četvrtak 05.01.2023. godine do kraja radnog vremena**, odnosno u **petak 06.01.2023. godine do 12.00 sati** dok će nacrti i prijedlozi odluka čiji je predlagač Komisija za spomenike Gradskog vijeća biti dostavljeni u **utorak 10.01.2023. godine do 12.00 sati**.
- Sjednice radnih tijela, u pripremi 23. sjednice Gradskog vijeća, održat će se u sedmici koja počinje s **ponedjeljkom 09.01.2023. godine**;
- Pozivi gradskim vijećnicima za 23. sjednicu Gradskog vijeća će se uputiti u **utorak 17.01.2023. godine** osim materijala za razmatranje Prijedloga Statuta Grada Sarajeva koji će se, zajedno s uloženim amandmanima uputiti gradskim vijećnicima u **utorak 10.01.2023. godinu**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Prijedlog Odluku o izboru članova Komisije za razmatranje, obradu i analizu pristiglih prijava na Konkurs za stipendiranje učenika srednjih škola iz Budžeta Grada Sarajeva, predstavnika Gradskog vijeća, za školsku 2022./2023. godinu, čiji je predlagač Komisija za izbor i imenovanja, će na vrijeme biti **spreman** i očekuje se da će biti uvršten u prijedlog dnevnog reda 23. sjednice Gradskog vijeća.

Prijedlog Odluke o davanju saglasnosti na Program rada Javne ustanove “Gradski muzeji” Sarajevo za 2023. godinu, čiji je predlagač Upravni odbor Javne ustanove „Gradski muzeji“, prema informaciji Javne ustanove „Gradski muzeji“, **je spreman** i očekuje se da će biti uvršten u prijedlog dnevnog reda 23. sjednice Gradskog vijeća.

Prijedlog Odluke o visini novčanog iznosa “Šestoaprilske nagrade Grada Sarajeva” u 2023. godini, čiji je predlagač Administrativna komisija Gradskog vijeća, će na vrijeme biti **spreman** i očekuje se da će biti uvršten u prijedlog dnevnog reda 23. sjednice Gradskog vijeća.

Informacija o realizaciji Projekta postavljanja dva jarbola sa zastavom Grada Sarajeva i zastavom zvanične maskote XIV Zimskih olimpijskih igara – Vučko na lokaciji kod stadiona

Koševo, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 23. sjednice Gradskog vijeća.

Informacija o realizaciji vijećničkih pitanja i inicijativa, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 23. sjednice Gradskog vijeća.

c. Teme planirane Programom rada Gradskog vijeća Grada Sarajeva za 2022. godinu, a koje nisu realizovane

Prijedlog Statuta Grada Sarajeva

Jasmin Ademović, predsjedavajući Gradskog vijeća je podsjetio članove Kolegija da je Gradsko vijeće Grada Sarajeva na 22. sjednici održanoj 28.12.2022. godine odlučilo da se Prijedlog Statuta Grada Sarajeva razmatra na 23. sjednici koja će se održati 25.01.2023. godine.

Napomenuo je da je Prijedlog Statuta Grada Sarajeva spreman, da su u propisanom roku podneseni određeni amandmani, te da se očekuje da se Komisija za Statut i akte i Gradonačelnica, u pripremi sjednice Gradskog vijeća očituju o podnesenim amandmanima.

d. Novi prijedlozi:

Benjamina Karić, gradonačelnica Grada Sarajeva je upoznala članove Kolegija da će za 23. sjednicu Gradskog vijeća predložiti i sljedeće materijale:

1. Prijedlog Odluke o izmjeni Odluke o podizanju spomenika bosanskom kralju Tvrtku I Kotromaniću
2. Prijedlog Odluke o podizanju spomen-ploče Ivici Osimu
3. Informacija o realizaciji Projekta „Sanacija, restauracija i koloristička obnove fasada“ za 2022. godinu
4. Nacrt Odluke o podizanju spomen-ploče Aidi Buturović
5. Nacrt Odluke o podizanju spomen-ploče sarajevskim policajcima
6. Informacija o realizaciji Projekta pripajanja spomen sobe ubijenoj djeci tokom opsade Sarajeva 1992. – 1995. godina Javnoj ustanovi „Gradski muzeji“ Sarajevo i njenog stavljanja u funkciju
7. Informacija o postupku izbora za najbolju fotografiju ukrašenih sarajevskih mostova
8. Informacija o realiziranom javnom dočeku Nove godine

U raspravi koja je uslijedila, a vezano za realizaciju Projekta „Sanacija, restauracija i koloristička obnove fasada“ učestovao je član Kolegija **Srdan Srđić**, a dodatna pojašnjenja dala je **Benjamina Karić, gradonačelnica Grada Sarajeva**.

**Ad 3)
Tekuća pitanja**

Jasmin Ademović, predsjedavajući Gradskog vijeća, ponovo, je naglasio potrebu poštivanja rokova iz Okvirne dinamike aktivnosti u pripremi sjednica Gradskog vijeća Grada Sarajeva u 2023. godini, koja je usvojena na 33. sjednici Kolegija Gradskog vijeća održanoj 27.12.2022. godine.

Jasmin Ademović, predsjedavajući Gradskog vijeća je podsjetio **Adija Škaljića predsjedavajućeg Kluba gradskih vijećnika Naše stranke** na obavezu donošenja nove Odluke o formiranju kluba.

Obzirom da pod ovom tačkom dnevnog reda nije bilo prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 14.35 sati.

SEKRETAR GRADSKOG VIJEĆA

Mila Eminović

PREDSJEDAVALJUĆI GRADSKOG VIJEĆA

Jasmin Ademović, s.r.